

五邊典則

顧廷龍署



五邊典則

五邊典六則卷之八

信安徐田久子卿文集

勾餘施邦曜爾

閩漳張

燮紹和父



嘉靖二十一年正月尚書張瓚以虜復謀犯

山西三關請令陝西薊遼各整擗奇遊兵共

十枝以候徵調宣大總督移往朔州以便調

遣別推總兵官二員一領薊遼兵先駐真定

一領陝西兵先駐石州諫兵防禦其賞賜芻

糧火器請需令戶工二部預為經理各邊墩

堡在山西真順保定附近邊關地方尤宜刻期趣完虜至度爲有備若虜伺三關有備或轉犯宣大則居庸紫荆倒馬一帶宜并行宣大督撫厲兵秣馬與山西一體戒嚴舊制官軍無擅出邊近奉

詔旨許出邊勦殺宣大壯士願自効者衆請令督臣懸揭賞格有能出邊殺虜一人者陞二級賞銀三十兩賊深入而併力搗巢有功者陞賞如之疏入

上曰去歲虜寇兩人太原邊官將士不聞敵邊
地方荼毒豈但邊吏罪不可追本兵亦難辭
責今歲不復整飭樞筦邊閫之臣安所用之
陝西遼東如擬預行整兵聽調真定石州總
兵官不必先期駐劄并應發兵糧火器等事
仍協戶工二部酌議再奏已乃曾戶工二部
覆奏謂兩總兵旣不旣遣今請

勅總兵戴廉臨期調取將各兵分布要害有不
奉約束者許以軍法從事十枝兵馬合三萬

人人給賞銀二兩五錢當七萬五千兩其行糧芻粟計官軍三萬人萬三萬匹期防守四月當十六萬兩乞

勅戶部如數給發仍會推大臣一員督同守巡等官羅買芻糧聽候支用其火藥若神臂弩三眼鎗宜令工部創置大小佛郎機積貯且多即可趣發并行提督團營尚書劉天和以總督陝西時所製疾藜砲其式送部轉發山西宣大一體造用至于出邊勦殺初非舊制

且恐貪冒者或援此殺降邀功今宜爲約虜
深入如許出邊小敬則止斯勇敢者旣倡而
貪功者亦不得逞矣

詔俱如擬行督餉大臣卽

命原差賑濟戶部左侍郎張漢兼理令其事畢
還京

二月

詔停大同修邊之議先是兵部員外郎傅順建
議大同修邊已得請督撫樊繼祖龍大有量

地經費日天城以西至朔州界計用未六十萬八千八百餘石銀一百九萬三千八百九十兩有定畫矣已復下廷臣集議大同連歲不登重遭虜寇物力旣詘又時近秋高恐工未及竣虜已立至罷之便其所議錢糧令戶部預貯俟秋防無警卽運集大同以待舉事從之戶部因請開中兩淮等處鹽引派取各省紙米香柁賊罰餘銀并於六七月漕米將至時每衛查照所運糧米多寡卽令運官督

領運軍運至宣府鎮城以足原議銀米之數
上曰修築邊牆須虜騎遠遁儲峙克足乃可舉
事淮浙鹽引依擬開中京儲不得數議輸邊
漕運官軍亦不宜重煩轉運浙江各省錢糧
多移別用不必派徵其暫止修築俟邊事旣
寧守臣具奏以聞

四月乙亥總督宣大侍郎翟鵬奏虜酋俺答
返遣賊十餘騎至邊索取先年通事砍吉此
釁端也請以原議陝西遼薊兵馬十枝每枝

先訓一千赴鎮隄備兵部覆請

上切責本兵前兩有

明旨何乃卒無定畫不允

丁丑先是戶部言山西宣大請乞帑銀數逾
百萬宜令總督翟鵬查覈已有

旨令自今各邊於歲例之外奏乞者務稽實用
不得槩給至是戶科都給事中楊傑等亦以
爲言

上曰各邊每更置巡撫必首請帑銀更無籌邊

長策翟鵬未至地方時樊繼祖所帶帑銀已
將軍士月糧補足見今糴買米完候查奏區
處爾等凡舉正欺蔽以聞未幾翟鵬請發鹽
引百萬以足軍餉戶部尚書李如圭等謂宜
酌量緩急從其所請

上以宣大見餘銀十二萬兩翟鵬無據陳乞有
旨令查明具奏乃不行遵奉輒復瀆擾切責如
圭等不能引

旨查叅徒徇人言有乖大體已如圭等自陳引

王邊身貝 卷八 五
罪乃釋之

閏五月戊辰虜酋俺答阿不孩復遣夷使召
天爵滿受禿滿客漢自大同鎮邊堡款塞求
貢去歲虜遣天爵與肯切至約以十日還報
比

朝議久不決虜索天爵等急都御史史道乃留
肯切遣天爵先還并貽以布帛虜亦以馬報
之旣而貢議不允虜乃大掠三關而去于時
議者謂天爵爲虜間咎道媚虜嫁禍道遂得

罪今歲三月間虜送所虜中國人李山至請
易肯切還部議以爲詐不許至是虜復遣天
爵及二夷回至滿客漢肯切子也邊人不敢
納以告巡撫都御史龍大有大有遂掩以爲
功令墩軍誇三人者上墩縛天爵而殺受禿
等以肯虜報假言以計擒之疏下兵部議覆
天爵本華民而甘心爲虜驅使去歲守臣失
計放還遂致塗炭山西震驚畿輔究其禍本
實天爵一人致之茲者憑籍故智敢復叩關

而邊臣能應機擒斬之真足以剪虜羽翼寒
旃裘之膽厥功甚大請優錄之以作諸鎮之
氣

詔從之乃陞大有兵部右侍郎兼右副都御史
諸文武將吏千戶郭江僉事趙瀛而下陞職
加俸賞銀幣者無慮數十人而巡按御史侯
度亦陞俸一級遂磔天爵及肯切于市傳首
九邊梟示天爵之來也其言虜情甚詳謂虜
酋小王子等九部咸住牧青山豔中國紗段

計所以得之者唯搶掠與貢市二端搶雖獲
有人畜而紗段絕少且亦自有損失計不如
貢市便因遣天爵等持令箭二枝脾一面爲
信誓請貢市一請天得則再請再請不得則
三請三講不得則糾衆三十萬一循黃河東
墻南下一自太原向東南大城無堡寨地方
而以勁兵屯大同三關待戰蓋虜之真情于
時當事者卽欲勿許亦宜有以待之乃不爲
長慮却顧遽殺其信使誇張功伐苟快目前

虜聞則大憤怒遂不待秋期卽以六月悉衆入寇大掠山西內及平陽東及潞沁悉如天爵語每攻克村堡屠戮極慘輒以執殺天爵等爲辭云

兵部覆山西巡撫都御史劉臬條議三關邊備一修邊次第東起凌雲日西至王也梁三百餘里工宜創舉若寧武陽方口以西至老營堡了角墩者惟宜增築高厚并敵台數座而神池利民八角宜克拓城堡添蓋營房其

老牛灣至楊勉堡沿河邊墻俱當以次第修葺一移置將官偏頭密邇虜巢前者總兵旣移駐寧武矣當以老營叅將移駐偏頭而以八角堡遊擊仍還老營并新設中備伍寨亦宜改駐老營八角則復設守備一員伍寨則專委把總一員守之乃若代州廣武站實虜入要衝又爲諸隘適中之地宜將大同掣回領班指揮輪住廣武防禦而代州守備則專練兵以聽調用一增補軍士三關延袤千百